

# A F R I C A.

causa est longinquitas regionis, immensaque intercedentium desertorum vastitates.

*Diviso ho-*  
*diurna.*

Dividitur nunc universa in septem potissimum partes five regiones, quarum nomina sunt hæc; *Egyptus*, *Barbaria*, *Biledulgerid*, *Sarra*, desertum, *Nigritæ*, *Æthiopia Interior*, five *Superior*, quod Abissinorum est imperium, & *Æthiopia Exterior* five *Inferior*, cujus regiones sunt *Congi*, *Monomotapa*, *Zangibar*, & *Aian*.

*Egyptus.*

*Egyptus* Nili ostiis continetur, quorum extrema sunt Orientem versus Pelusiæ, ubi Damiatæ; versus occasum Canopicum, ubi Alexandria & Pharos. Caput nunc est Cairum, vulgo *Alcayr*, Chaldaeis *Alchabyr*, urbs stupendæ magnitudinis, emporium celeberrimum. Prope est *Materea* hortus balsami fruticibus confitus, quod uni terræ Iudææ quondam concessum, hodie, nisi hoc loco, nusquam colitur. Visuntur hic pyramides, five moles lapideæ tres, miraculis adscriptæ. Eas supra tumulos regios erigi curabant *Egypti* reges, aut ad inanem divitiarum ostentationem, aut ut populi torporem excitarent. Harum maxima gradibus foris prominentibus adfurgit. Gradus sunt c c l, singulis est altitudo quinum pedum. Singula latera passus habent c c x x i v. In summa pyramide planities est capax l hominum. In hac positus peritissimus, robustissimusque sagittarius, telum nunquam ita emitter, ut extra basim pyramidis cadat. Ex quo, quanta hujus operis vastitas sit, colligi potest. Secunda claritate est Alexandria. Post hanc *Raschit*, quod Europæi *Rosettam* vocant. *Damiatæ*, olim Pelusium, Ptolemæi Geographi incunabulis insigne; cujus quondam capti gloria Harlemensibus nostris debetur. Urbs est potens, opulenta, commodo portu, & navium frequentia celebris, ad Nili ostium Pelusiæ.

*Barbaria.*

*Barbaria* ab *Egypto* usque ad fretum Gaditanum extenditur, provinciâ & quinque regnis distincta. Provincia *Barcana* est, regna vero, *Tunetanum*, *Tremisenum*, *Fessanum*, *Maurocanum*, & *Darense*. Regnum *Tunetanum* veterem *Africam* minorem ferme totam occupat. Caput est *Tunetum*, vulgo *Tunisi*, insignis, vetus ac satis ampla urbs, quæ ex Carthaginis ruinis crevit. Secunda est *Tripolis* nova, quæ *Barbariæ* dicitur, ad differentiam *Tripolis* Syriæ: *Bona* etiam, quæ olim *Hippo*, D. Augustini Episcopatu nota. Intus vero est *Constantina*, Romanarum antiquitatum reliquiis conspicua. Regni *Tremiseni* caput est *Tremisen*, bellis gravissimis vexata & attrita urbs. In ejus littore est *Algerium*, *Algiers*, emporium satis nobile, at *Turcarum* piratica infame, Christianis mancipiis refertissimum. Urbs ipsa mœnibus, arcibus, ac tormentis bellicis adeo munita, ut invicta credatur. Versus mare Atlanticum sunt regna *Fessæ* & *Marocci*. Illius caput est *Fez*, urbs totius *Barbariæ* princeps. At *Tanger*, *Seuta*, & *Arzilla*

amplæ ad fretum urbes sunt, Hispano subditæ. *Marocci* metropolis est *Maroc*, amplissima ac celeberrima olim, inter maximas universi orbis memorata.

*Darense* regnum olim *Cæsariensis* *Mauritania* fuit. Caput est *Dara*.

*Mililla* ad mare mediterraneum Hispano patet.

*Biledulgerid* longissimo tractu ab *Egypti* confinibus, à tergo dictarum regionum ad Oceanum usque Atlanticum exporrigitur. Deserta in ea sunt, *Lempta*, *Hair*, *Zuengiga*, *Zanhaga*, à singulis oppidis cognominibus appellata. Regna *Targa*, *Berdoa*, & *Gaoga*.

*Biledulgerid.*

*Libya* five *Sarra*, quod desertum significat, *Sarria* continuatur huic regioni versus meridiem, cujus longitudo à regno *Gaoga* ad regnum *Gualata* extenditur.

*Nigritæ* ampla regione habitant, ad utramque *Nigri* amnis ripam. Longitudo ejus porrigitur à *Nilo* & *Meroë* insula, usque ad *Nigri* ostia & Oceanum. Regna in ea sunt hæc, ab urbibus denominata: *Gualata*, *Hoden*, *Genocha*, *Senega*, *Tombuti*, *Melli*, *Bitonin*, *Guinea*, *Temian*, *Dauma*, *Cano*, *Cassena*, *Benin*, *Zanfara*, *Guangara*, *Borno*, *Nubia*, *Biafra*, *Medra*.

*Nigritæ.*

*Æthiopia Interior* imperat Abissinorum rex, qui Presbyter five pretiosus Ioannes, vulgo *Preti Gianni* vocatur, magno, recepto tamen errore; cum is quondam in *Asiæ* regno *Tenduc* regnaverit. Dividitur in plurima regna & provincias, quarum nomina sunt, *Dasila*, *Barnagasso*, *Dangali*, *Dobas*, *Trigemabon*, *Ambiancantiva*, *Vangue*, *Bagamidri*, *Beleguanze*, *Angote*, *Balei*, *Fatigar*, *Olabi*, *Baru*, *Gemen*, *Fugni*, *Tirva*, *Ejabela*, *Malemba*. Urbes in universo imperio paucæ sunt: vicis plurimum habitatur, domibus ex creta & stramine constructis. Rex ipse, qui albo esse colore fertur, sub tentoriis degit, quorum sex millia eum sequuntur. *Amara* arx est munitissima, in monte *Amara* condita, in qua regis filii sub validissimo præsidio educantur, donec patre defuncto hæres producat.

*Æthiopia Interior.*

Quod superest *Africæ*, *Æthiopia exterior* five inferior perhibetur, ab Oriente, Meridie & Occidente Oceano perfusa. Regionum, in quas dividitur, prima est *Congi*, quod aliis *Manicongo*, ab urbe *Congi* nomen habet, incolæ sunt Christiani. Terra ipsa fluminum aquis maxime irrigua. Regia est, civitas S. Salvatoris, quæ ante *Banza*. Secunda est *Monomotapa*, solo fertilis atq; amœna, amnes habens auriferos, & silvas elephantis refertas. Caput regni ac sedes regum est *Monomotapa*, ad flumen S. Spiritus. Hinc versus Septentrionem milliar. circiter L distat nobile ædificium, amplum atq; antiquum, quadra forma, ex ingentibus saxis constructum. Tertia est *Zangibar*, cujus partes *Casares*, *Mozambique*, *Kilola*, *Mombaza* ac *Melinde*, quarum *Mozambique* in insula condita celeberrimum est Europæis mercatoribus

*Æthiopia Exterior.*